

新纂雲南通志卷九十一目錄

金石考十一

中期六

南詔 大理國

待訪

張羅疋碑

金馬山碑

撫運碑

金相寺唐碑

採銀太監墓碑

高陀山塔碑

樓坪碑

新纂雲南通志

卷九十一 金石考十一 目錄

政德年號碑

矣保山塔磚

淨妙澄碑

麥宗摩崖

高公輔政碑

山亭記碑

摩訶嵯會盟碑

程海古碑

哀牢夫人墓碑

冲霄王墓斷碑

興隆盆

孔子遺像碑

丁連然神道碑

楊文廣駐師之所石刻

米南宮獅山贊石刻

三教寺爵

永勝東山摩崖

洱海地券

新纂雲南通志卷九十一

金石考十一

中期六

南詔 大理國

待訪

張羅疋碑

張羅疋南詔清平官永昌郡都督以破蠻功陞大監軍故有碑在

城南稱其義勇有度量見正德雲南志卷十六名宦傳

按周弘祖古今書刻卷下金齒使司著錄唐都督張羅疋原誤作正劉文敷撰

志卷十一官賢目錄誤作張羅疋

碑注曰有破蠻功陞大監軍碑在使司城南即本正

德志說而實指碑所在清修諸本雲南通志及永昌府志不載

此碑不識尙存至今否李元陽雲南通志卷二杜光庭子墓又

卷十杜光庭傳並曰清平官張羅疋為立廟又卷十二杜公祠唐時建光庭即書

南詔碑者則張羅疋為閣羅鳳臣或在其後南詔德化碑陰題

名有羅疋上文已蝕當即張羅疋也樊綽雲南志卷九曰大將

軍一十二人與清平官等列每日見南詔議事出則領要害城

鎮稱節度有事蹟功勞殊尤者得除授清平官從聚珍本校又曰每戰

南詔皆遣清平官或腹心一人在軍前監視有用命不用命及

功大小先後一一疏記回具白南詔憑以為定賞罰則張羅疋

為永昌郡都督者即永昌城大軍將而大監軍即任軍前監視

之官然在何時因何事不能詳也惟樊志卷五雲南拓東永昌

寧北鎮西及開南銀生等七城則有大軍將領之亦稱節度新

唐書南詔傳曰外則有六節度曰弄棟永昌銀生劍川拓東麗

水有二都督會川通海則永昌城大軍將稱節度而此曰永昌郡都督者不識節度亦別稱都督否張羅正以軍將陞清平官其卒當在南詔都城葬於何地正德志未言之周弘祖以爲碑在金齒使司即永昌府未必有據

金馬山碑

保和八年昭成王卒善闡東京樹碑於金馬以紀方物

見張道宗記古滇說集

按記古滇說集又曰昭成王立名勸豐佑建元保和乃蒙氏茅十世也李京雲南志略券農佑立是爲成昭王改元保和又改天啟楊慎滇載記晟豐祐僞諡昭成改元二保和天啟胡本南詔野史豐佑僞諡昭成王改元保合又改元天啟王本南詔野史昭成王名晟豐祐改元保和又改元天啟諸家紀錄頗不一

致豐祐亦作豐佑誤作農佑其名上或加勸字又作券者以爲尋閣勸之子勸利晟之弟又或加晟字者以爲勸龍晟之子惟據新唐書南詔傳豐祐爲勸龍晟弟慕中國不肯連父名則當初名勸豐祐而後廢勸字不用也豐祐之年號記古滇說集惟曰保和他諸書則曰保和一作保合天啟且先有保和年號後改天啟而記古滇說集謂豐祐以保和八年卒是不可解也惟保和年號見紀錄者郭松年大理行記曰趙州之北行約數百步地極明秀蒙昭成王保和九年有高將軍者即此地建遍知寺其殿像壁繪於今罕見意非漢匠名筆不能造也松年之記當有所本則保和有九年也王本南詔野史豐祐傳曰建崇聖寺自保和十年至天啟元年功始完則保和當不止十年也李元陽雲南通

志卷十三贊陀崛多傳曰蒙氏保和十六年自西域摩伽陀國
來天啟二年僧憫郡地大半爲湖云云則保和有十六年以此
諸書所紀可証記古滇說集之誤蓋豐祐以天啟八年卒而記
古滇說集失載天啟年號耳新唐書南詔傳長慶三年豐祐立
又曰會宣宗崩是時豐祐亦死則豐祐在位凡三十七年長慶
三年爲保和元年王本南詔野史豐祐傳曰太和四年立善闡
王宮是年適當保和八年所謂樹碑於金馬以紀方物者即在
此時元史地理志中慶路曰閣羅鳳子鳳迦異築城曰拓東六
世孫券豐祐曰善闡胡本南詔野史詳闡勸以善闡爲東都說似不可信故樊綽雲南卷一稱善闡拓
東城今白子語稱昆明爲善闡即本此惟不解爲何取義也胡本南詔
野史唐改雲南爲善闡府但不可信新唐書南詔傳曰王都羊苴咩城別都曰善闡府即

自豐祐開爲別都唐會要卷九九徐雲虔使南詔至善闡府遇
驃信遊獵玉溪編事引驃信詩有避風善闡臺句新五代史南
詔傳李龜年等使南詔不至苴咩至善闡蓋自豐祐以後南詔
驃信每於冬季居善闡似避大理之風並爲巡幸之地而善闡
之設爲別都當始自保和八年想樹碑紀方物當有記載惟未
獲訪其碑也 所不解者南詔自異牟尋復受唐封號以至豐
祐立唐朝遣韋審規持節臨册見新唐南詔傳部齊讀書志地理類受唐封號何以復有
年號若謂其不可信則諸書記載甚爲明白且記古滇說集諸
於尋閣勸勸龍晟勸利諸王亦稱改元則南詔雖受唐封而仍
建年號所謂開門節度閉門天子者庶幾似之

撫運碑在大理府西五樓前鄭買嗣立

見明一統志卷八十九

按明一統志又曰高氏改刻爲高公輔政碑蓋剗削撫運碑文改刻之則此碑早已不存然可知高公撫政碑爲撫運碑改刻且知爲鄭買嗣所立者不識猶有殘文抑高氏刻於碑陰耶高氏碑今未訪獲不能論定也 考記古滇說集雲南志略滇載記南詔野史諸書所載鄭買嗣爲鄭回之裔蒙氏隆舜時官布變權位最尊隆舜巡幸無度留買嗣守國遂專政柄隆舜卒子舜化立舜化卒子爰繼立雲南志略曰買嗣篡位後易名昶則碑稱鄭買嗣立者未篡蒙氏以前所爲即以撫運之名觀之亦當輔政時所立以紀功勳者蒙氏隆舜在位二十年舜化在位六年碑之立當在此時即唐乾符四年至後晉文復二年之間

新纂雲南通志

卷九十一

金石考十一

中期六

南詔

大理國

四

也 鄭買嗣名明史卷三三三大理土司傳作鄭買賜賜與嗣同音而誤

金相寺唐碑

大理金相寺廢址有唐碑爲高僧講經處也

見楊慎點蒼山遊記

按景泰雲南圖經志書卷五曰感通寺傍近有金相玉局二寺相傳感通寺建於唐禧宗時見景泰志又李志曰漢時摩騰竺法蘭建寺之北有點蒼神祠相傳爲唐使與南詔設盟處見楊慎遊記又有杜光庭廟相傳爲南詔清平官張羅疋所建見李志則其附近多有唐代遺跡第不知所謂唐碑者爲何時何人何事所立耳

採銀太監墓碑

太監墓碑在東川府東北四十里七雄廠後漢高祖時差寺人來

廠採辦銀坑歿葬其地今碑碣尙存

道光雲南志石門引續川府志

按南漢高祖乾亨七年

即後唐同光九年

長和國鄭爰遣使至廣州求婚

詳新五

代史南漢世家

知此時滇粵交通甚密南漢寺人至滇採銀亦意中事惟

未獲知其碑文民國會澤地理志古蹟類亦不著錄此碑

高陀山塔碑

高陀山塔在姚安府北二十里石晉天福間建高十有五級

見李元陽雲南通志

卷三姚安府古蹟

按乾隆雲南通志卷二十六古蹟志增碑記尙存一名白塔西

南有池清可鑑髮塔影倒映池中因名塔鏡數句又劉文徵滇

志卷三古蹟志曰高陀山塔在府北十五里段智興天寶甲戌

建實宋紹興二十四年上有碑記今猶存按康熙志卷十九同

新纂雲南通志

卷九十一

金石考十一

中期六

南詔

大理國

五

此劉志正興作智興大寶作天寶並誤道光雲南通志金石門

已辯之 高陀山塔李志不言有碑而乾隆志紀之說當有據

李志謂爲晉天福間建者亦當有本也

樓坪碑

段思良即位改元至治刻樓坪碑

見王崧本南詔野史卷上

按此碑不見於他書即胡蔚本野史亦不載不識記何事爲何

人作也野史載段思良爲大理國開國主段思平之弟以後晉

出帝開運三年立在此位五年薨立碑亦不知何年也

政德年號碑

圓通寺天王殿東南角有段氏政德年號碑云寺在城之北二里

見倪蜕滇雲歷年傳卷五

按李源道重修圓通寺記曰昔蒙氏竊有茲土即巖而寺曰補陀羅歲甲寅世祖皇帝天戈南指明年餘寇陸梁而寺燬於兵燹云云則寺之建遠矣又滇載記南詔野史並曰段思廉以宋仁宗甲申慶歷四年立改元四曰保安政安政德保德按兩政字亦作正則政德爲思廉之第三年號思廉在位三十一年以宋神宗乙卯熙寧八年禪位爲僧未禪位之前封高智昇爲鄴閩侯而思廉之前段素興營宮室於東京其於善闡寺觀亦當改造意此碑爲重建寺宇而作惟倪蛻記之甚略前數歲修葺圓通寺闢爲公園亦未聞發現此碑疑湮沒已久矣

矣保山塔磚

矣保山塔在姚安府北十五里段正興大寶六年甲戌建實宋紹

新纂雲南通志

卷九十一 金石考十一 中期六 南詔 大理國 六

興二十四年上有磚紀之今猶存

見李元陽雲南通志卷三姚安府古蹟

按滇載記南詔野史並曰段正興

一作義長又作易長

以南宋高宗丁卯紹興

十七年即位改元永貞又改元大寶龍興盛明建德則大寶爲正興之第二年號以歲次甲戌推之適當紹興二十四年李志所說是也疑塔上惟有大寶甲戌四字其餘則志推算而爲之說也李京雲南志略誤大寶爲天寶當據以正之

淨妙澄碑

淨妙澄碑在水目山文安帝命翰林學士蘇達爲僧淨妙澄立并

撰文

見道光雲南通志金石門引雲南縣志

按光緒雲南縣志卷十二民國祥雲縣地理志古蹟類並著錄此碑而未錄文不識今尙存否光緒縣志卷十日淨妙澄不詳

何地人俗姓高宋哲宗大理國段氏時妙澄爲段氏國公秉政
十餘年有幹濟才悟禪理遂祝髮爲僧嗣立凝尊者住水目山
壽七十八端坐而化僞文安帝段正淳時哲宗遣翰林學士蘇
達爲之撰記碑存水目山此用碑文參以宋朝年號而爲之傳
又釋圓鼎滇釋記曰淨妙澄禪師滇池人姓高氏襲大理段氏
國公因讀楞嚴經至見猶離見見不能及處有省遂叩立凝禪
師獲大解悟卽爲剃染并嗣法後遊中州叩黃龍慧南禪師問
農家自有同風事如何是同風事南良久澄曰恁麼則起動和
尙去也南曰靈利人難得師禮拜遂辭歸開水目山段氏爲建
梵刹乃贈淨妙之號不識此傳卽據碑文抑別有所本也據縣
志及滇釋記所載可略知淨妙澄之事蹟淨妙姓高氏爲大理

段氏國公則爲高智昇之裔智昇二子曰昇泰昇祥並曾封於
鄯闡則二人子孫當有居鄯闡者妙淨蓋居鄯闡故稱滇池人
然不詳其世系所謂國公秉政十餘年者不審襲何職也 據
滇釋記所載淨妙與普濟慶光禪師開水目寺後皎淵繼普濟
又有阿標頭陀繼皎淵卽所謂水目四師也李元陽雲南通志
卷十三亦曰水目寺段氏時楊普濟經始則淨妙創寺應在皎
淵移居水目寺之前且滇釋記皎淵傳稱普濟不言淨妙者疑
皎淵至水目寺時淨妙已圓寂其沒當在段智興時縣志謂在
文安帝時然文安帝爲謚法蓋碑文中稱之此適可証立碑在
文安帝後不應在文安帝時也考南詔野史段正淳謚文安皇
帝疑淨妙生於文安帝在位時壽七十八卒於段智興時蓋碑

首記其文安帝時事蹟而縣志誤爲立碑於是時復推宋朝年號參雜入文耳碑文撰者蘇達著翰林學士即大理國開科之功名也王本南詔野史曰段氏有國亦開科取士所取悉僧道讀儒書者然今存大理國時代碑刻無署科名者此碑所紀縣志載之當可信若縣志又以爲宋哲宗遣使則未必也

麥宗摩崖

麥宗墨蹟在麗江府白沙西園崖上是番字難譯其語見李元陽雲南通志卷四麗江府古蹟

按木氏宦譜阿琮傳曰生七歲不學而識文字及長旁通百蠻各家之書衆稱之爲神通且製本方文字阿琮即麥宗爲麥良之父元世祖征大理從金沙濟江麥良出降詳元史地理志及木氏宦譜阿良傳則麥宗

生當南宋寧宗理宗之世所謂製本方文字者即麼些文字今

麼些文有兩種一爲象形字一爲單音字象形字之發生較古麥宗所創疑即單音字其字似爨文一字一音同音之語即用一字曉其語者讀字知意而自來巫教用之常人識者甚少李志謂番字難譯其語者也

高公輔政碑

撫運碑在大理府治西五華樓前鄭買嗣立高氏改刻爲高公輔

政碑僧楊子雲撰文見明一統志卷八十九

按正德雲南志卷三亦著錄凡兩謂五華樓已廢不言此碑存佚

疑明初尙存故記樓廢而不及碑惟李志不載此碑則或其時已失也 五華樓者景泰雲南志卷五曰元時創建正德雲南

志卷三曰唐大中十年南詔券豐祐所建以曾西南夷十六國

樓方廣五里高百丈上可容萬人元世征大理時駐兵樓前至元二年嘗賜金重修劉文徵滇志卷三曰至正間重修李元陽雲南通志卷二曰國初兵燹廢又康熙雲南通志卷十九曰正德間重修址存今大理縣城中鐘鼓樓名五華樓頗局促非舊五華樓址也樊綽雲南志卷五記陽苴畔城南詔衙門有重樓左右階道高二丈餘甃以青石爲造樓前方二三里入門行三百步至第二重門又二百餘步至第三重門又一百餘步至大廳後爲小廳又後爲南詔宅而客館在門樓外東南二里館前有亭臨方池周迴七里則今之大理城若爲羊苴畔城舊址則已爲南詔衙門佔去一半門樓爲太和城往來通衢應在今城南或即南校場地門樓前隙地方數里疑五華樓爲門樓改建

即衙門外大樓故鄭買嗣立撫運碑於門前彰其功勳以示國人高氏改刻輔政碑亦建於此也 高氏自智昇輔段思廉討平楊允賢之亂封岳侯其子昇泰誅楊義貞匡扶段氏後段氏不振國人心歸高氏擁昇泰爲君號大中國昇泰臨終囑其子泰明奉段正淳還君位自後終大理國之世以高氏世爲相國專政柄國人稱高國主號令皆出其門段氏虛擁名位而已滇載記南詔野史諸書載大理段氏事蹟多涉及高氏姚安鶴慶兩本高氏宦譜亦多記其事然錯雜牴牾難以究詰茲爲條次列高相國年表附紀宋朝年號於右

丙子歲

紹聖三年

高泰明爲相國

丙申歲

政和六年

高泰明卒
高明順爲相國

() 高明順卒 高順貞為相國

() 高順貞讓位 高暹成為相國

庚午歲 紹興二十年 高暹成讓位 高貞受為相國

壬午歲 紹興三十二年 高貞受卒 高受昌為相國

甲午歲 淳熙元年 高貞明奪受昌位 高受昌復職

丙申歲 淳熙三年 高受昌失位 高妙音為相國

() () ()

壬申歲 嘉定五年 高阿育為相國

乙酉歲 寶慶元年 高踰城隆為相國

丁酉歲 嘉熙元年 高踰城隆為鄯闡國王 高太祥為相國

癸丑歲 元憲宗三年 高太祥殉難

高氏輔政百五十餘年操縱政柄領姚安騰衝北勝鶴慶會川鄯闡易門晉寧嵩盟祿豐羅次諸地段氏已成守府然猶重其名器扶其虛位所謂輔政碑者蓋紀輔段氏之功業惜碑已不傳及今治大理國史惟摸索滇載記諸書而諸書牴牾難於考校為恨事也 撰碑楊子雲生當大理國季年已別考於山亭記碑跋

山亭記碑

碑在三泊縣西七里山中昔智圖建亭為遊觀之所僧楊子雲為

記 見正德雲南志卷二雲南府志

按周弘祖古今書刻卷下李元陽雲南通志卷二劉文徵滇志卷三並著錄此碑 智圖 當疑作智圖 為何許人不獲知惟楊子雲見

於楊仲弘撰雄辯法師大寂塔銘曰法師生鄴闡城少事國師
楊子雲爲上足弟子按雄辯法師以大德五年卒世壽七十三

僧獵四十七則生宋理宗紹定二年即大理國段智祥天開二十五年以元憲宗五年

即大理國亡後一年二十六歲爲僧以元世祖破大理之明年至中國亦當元

憲宗五年留二十五年始歸滇時法師已五十餘歲則謂少事

國師楊子雲者在未剃度之前又稱楊子雲爲國師者乃大理

國國師卒年或在元初也釋圓鼎滇釋記有子雲國師姓楊氏

行由未詳即據雄辯法師碑入錄滇釋記有雄辯法師傳即據碑文且次於元成宗時

左黎國師之後而列爲元釋非也楊子雲當爲阿闍黎僧故用

俗名其事不獲詳考 三泊縣元至元十三年設隸中慶路昆

陽州明依之清康熙五年裁縣入昆陽州雍正五年以其地改

併於安寧州惟雍正九年安寧州志及康熙雲南通志以下諸

本通志書並不著錄此碑則清代或已不存抑因距州治遠而

未搜訪也楊子雲撰文今所知有二碑大理國季年釋儒之作

亦至可寶並不獲爲恨事猶望好古者留意焉

摩訶嵯會盟碑

官渡市中有古碑相傳蒙摩訶嵯與三十七部會盟時立見正德雲南志卷二雲南府古

按周弘祖古今書刻卷下李元陽雲南通志卷二劉文徵滇志

卷三並著錄惟古今書刻誤作昆明市古碑清修諸本雲南通

志亦載之 所記出於傳說非親見碑者之實錄難知爲何時

物惟蒙摩訶嵯康熙雲南通志古蹟志改爲蒙氏摩訶嵯故道

光雲南通志金石門列於唐代 摩訶嵯者疑即摩訶羅嵯之
省按元史信苴日傳言段興智入覲憲宗賜名爲摩訶羅嵯惟
憲宗本紀曰六年雲南酋長摩合羅嵯來覲則興智已先自稱
爲摩訶羅嵯非賜號也故張道宗記古滇說集曰大理摩訶羅
嵯段興智建元天定知興智爲大理國主時已號摩訶羅嵯波
斯國拉施丁史記彙編曰大理國其王曰馬哈刺(Mahara)猶
言大王地也此(Mahara)即摩訶羅嵯之對音亦即印度語之
(Maharaja)馮承鈞元代白話碑緒言曰梵名古翻中有摩訶
羅闍此云大王印度及南海諸王之封號也則段興智之號摩
訶羅嵯乃借梵語非元憲宗封號甚明然不識大理國何時始
有此號而段興智之前無紀錄則大理國季年或至段興智時

程海古碑

相傳漁者網漁偶獲石碑上題曰大聖程河妙感景帝蓋蒙氏僞
封也其石瀝水數十年至今始乾尙有潤

見李元陽雲南通志
卷四北勝州古蹟

按劉文徵滇志卷三所載同惟改蒙氏僞封句爲段氏僞封乾
隆永北府志亦著錄此碑曰今不知所在

從道光雲南通
志金石門引

則碑已佚民

國十年纂永北地志金石門猶載之乃錄舊志而記此碑題曰
大聖程海妙碑上有景帝年號云云則以意改之也 此碑得

之於程海海在今永勝縣城南四十里其水下流入金沙江即

程河也碑題景帝疑為神祠之碑滇中俗祀神祠多封號為帝

亦有稱景帝者如記古滇說集南詔樂誠即盛追封碧雞山神曰

伏羲山河清邦景帝金馬山神曰金馬名山至德景帝南詔野史謂異

伏義山河清邦景帝金馬山神曰金馬名山至德景帝南詔野史謂異

聖北嶽定國安邦景帝封劍川城隍古廟神曰古城隍景帝道光

騰衝有景帝殿並以景帝為祀神封號程海碑題大聖程河妙

感景帝當為程河神祠之封號也 神祠封帝號始自何時不

獲其詳盛羅皮或異已封金馬碧雞景帝之說亦無確據惟見記

古滇說集紀錄疑在大理國時代已有之大理國主稱皇帝其

臣卒後有封帝號者楚雄高生福碑稱追册忠節克明果行義

帝又述其太祖為邦安賢帝南詔野史段智興傳段貞明謚義

地威天聰明仁帝以帝為尊封之號而不限於人君神祠之封

帝號亦尊稱之其稱帝有聖帝如阿育王仲子靈帝如蒙自土主 此曰景帝

亦取布義行剛由義而濟周書之義或以為景帝即南詔酋龍者

祀酋龍者如鄧州之寺登廟見鄧州志大理之景莊廟見李元陽通而不

稱景帝則又何說考滇中俗祀號景帝者各為山川之神而非

一神之號永勝之程河景帝即程河之神也 碑得於程海中

相傳其地有姓程者居之一夕陸沉為故名程海見景泰雲又傳有

漁者於程海中網得一磁枕其色青碧置龍王廟中見李志又民

漁者於程海中網得一磁枕其色青碧置龍王廟中見李志又民

騰越州志載知州吳楷景帝非正祀辨即主是說蓋酋龍卒謚曰景莊以景字而附酋之然滇中有

州志大理之景莊廟見李元陽通志卷十二而不

稱景帝則又何說考滇中俗祀號景帝者各為山川之神而非

一神之號永勝之程河景帝即程河之神也 碑得於程海中

相傳其地有姓程者居之一夕陸沉為故名程海見景泰雲南志卷四又傳有

漁者於程海中網得一磁枕其色青碧置龍王廟中見李志卷四又民

國三年在程海網得陶器二種即土鍋土罈高尺許徑七八寸其表面全被炭酸石灰溜成厚寸餘現存韓鶴年家

見民國十年纂永北地志

則

陸沉之說似爲可信然不識在何時而明代紀錄已不能確指其年則元代以前已爲海也此碑亦當爲元以前物碑自水中得之似在李元陽修志萬曆四年前數十年又不知何時失去而碑文僅題一行抑尙有詳紀亦不得而知也

哀牢夫人墓碑

正德間鄉人於哀牢山掘地得碑誌淪落段中庸撰文其略曰夫人諱福則伽宗胄裔之嫡女也事君子也樂其道而不淫逮下妾也用其能而不妬又曰日出碧雞照哀牢之名縣鴻飛滇渚下潯

陽之長江志哀牢夫人者志其世也非其人

見李元陽雲南通志卷二永昌府塚墓

按此碑劉文徵滇志卷三亦著錄碑已剝蝕文不能盡識讀殘文不能辨其時代惟李志列於漢墓道光雲南通志金石門列於唐代亦非有確據也 景泰雲南圖經志書卷一呈貢縣舊曰伽宗部又曰伽宗城在呈貢縣西一里蒙段時土官皎宗所築濠壘俱存亦載李志卷一 康熙雲南通志卷十九古跡志稱皎宗爲段氏土官乾隆雲南通志卷二十六古蹟志曰大理高智昇令土官伽宗築城元史地理志呈貢世爲些莫強宗部所居又見新興州 伽皎強三字音並相近蓋以土官皎宗而得部名也此碑所謂伽宗胄裔之嫡女者不識即爲呈貢土司之女否若然則在元代以前蓋自至元十二年設呈貢縣已廢土職也碑又有日出碧雞照哀牢之名縣句則或喻夫人自滇池嫁至永昌而鴻飛滇

渚下潯陽之長江句又或喻其夫自滇海赴九江不歸也爲此
推測文句似可通然全文既已不存則難確爲之說 撰文之
段中庸不獲知何許人惟疑爲大理段氏之族嫻於經史者
待考

冲霄王墓斷碑

冲霄王墓在劍川州羅尤邑南一里許有斷碑其事不詳

見李元陽雲南通志卷三鶴慶

府塚墓

按此碑劉文徵滇志卷三亦著錄

劍川趙式銘曰墓在金華山右麓日就頽圯上級作塋形四周
甃赭巖面印梵文無漢字不識爲何代物好事者取巖爲研酥
脆不受墨余常褻衷墓下見其面勢甚佳造作亦鉅非大有力

新纂雲南通志

卷九十一

金石考十一

中期六

南詔

大理國

一五

者不辨邑父老傳爲元太弟宗族沒葬於此理或然耳今邑中
羣祀多太弟從征功名臣而後營及駐蹕亭故址皆傳爲太弟
遺蹟蓋元兵征大理鄯闡頓師於劍川者頗久則所謂冲霄王
者或以病沒葬此似尙可信若唐南詔與中使王承訓同破劍
川及節度使唐九徵征服劍川立碑紀功等皆未聞於此地有
喪師敗將之事則以此墓屬之元代物者尙非齊東野語之比
也

興隆盆

民國十八年於保山縣境杜家莊園丁掘土發現古盆一盆有蓋

蓋內有梵文底有興隆二字

見保山縣採訪冊

按興隆二字蓋爲祥語有梵文者或佛教供養所用之器惟不